



**ХЭНТИЙ АЙМГИЙН
ЗАСАГ ДАРГЫН ТАМГЫН ГАЗАР**

Залуучуудын гудамж-01, Баянмөнх баг, Хэрлэн сум,
Чингис хот, Хэнтий аймаг, 23117
Утас/Факс: (976) 7056 2412
Цахим шуудан: infoazdtg@khentii.gov.mn

**БАЯН-ОВОО СУМЫН ЗАСАГ
ДАРГА Ц.БАТЧУЛУУН ТАНАА**

2025.04.25 № 9/912
танай _____-ны № _____-т

Дүгнэлт, зөвлөмж хүргүүлэх тухай

Аймгийн Засаг даргын Тамгын газрын даргын баталсан удирдамжийн дагуу 2025 оны 4 дүгээр сарын 07-оос 2025 оны 4 дүгээр сарын 12-ны хооронд сумдад ажиллаж бодлогын баримт бичгийн төлөвлөлт, Засаг даргын Тамгын газрын үйл ажиллагаанд хяналт-шинжилгээ, үнэлгээ хийж, зөвлөн туслах үйл ажиллагаа хийсэн дүнг удирдлагын зөвлөлийн хуралд танилцуулан дараах дүгнэлт, зөвлөмжийг хүргүүлж байна. Үүнд:

Дүгнэлт: Сумын Засаг даргын 2024-2028 онд хэрэгжүүлэх үйл ажиллагааны хөтөлбөрийг боловсруулахдаа 16 зорилгын хүрээнд 122 зорилтыг дэвшүүлэн 2025 оны 01 дүгээр сарын 16-ны өдөр сумын иргэдийн Төлөөлөгчдийн Хурлаар батлуулсан. Сумын Засаг даргын үйл ажиллагааны хөтөлбөрийг хэрэгжүүлэх арга хэмжээний төлөвлөгөө, байгууллагын гүйцэтгэлийн төлөвлөгөөг боловсруулж дуусаагүй. Сумын Засаг даргын үйл ажиллагааны хөтөлбөрийг хэрэгжүүлэх арга хэмжээний төлөвлөгөөний төслөөс харахад сумын Засаг даргын үйл ажиллагааны хөтөлбөрт тусгагдсан зорилтыг арга хэмжээ болгон задлаагүй, дугаарлалт алдаатай, загвар хүснэгт ойлгомжгүй байгаа тул дахин засаж сайжруулах шаардлагатай. Сумын Засаг даргын Тамгын газрын гүйцэтгэлийн төлөвлөгөөний ихэнх зорилт, арга хэмжээний шалгуур үзүүлэлт, хүрэх түвшинг оновчтой тодорхойлсон, хууль тогтоомж, тогтоол шийдвэр, бодлогын баримт бичгийн хэрэгжилтийг тайлагнах талаар тусгасан байна. Нийгмийн бодлогын мэргэжилтэн Э.Хонгорзулын гүйцэтгэлийн төлөвлөгөө болон төсөвт байгууллагуудын гүйцэтгэлийн төлөвлөгөөг хянаж цаашид анхаарах шаардлагатай, засаж сайжруулах, төлөвлөлтийн баримт бичгийн хоорондын уялдааг хэрхэн хангах талаар арга зүйн зөвлөгөө өгч ажилласан.

Сумын Засаг даргын Тамгын газрын бүтэц, орон тоог жил бүр шинэчлэн баталдаг. Төсвийн шууд захирагч болон төрийн жинхэнэ албан хаагчийн сул орон тооны захиалгыг томилох эрх бүхий албан тушаалтан мэдээллээ Салбар зөвлөлд хүргүүлж хэвшсэн. Мал аж ахуйн үйлдвэрлэлийн төлөвлөлт, менежмент, малын үржил бүртгэлийн асуудал хариуцсан мэргэжилтэн албан тушаалын тодорхойлолтод тавигдах тусгай шаардлагын мэргэжлийн индекс таарахгүй албан хаагч Э.Жагдагийг түр томилсон. Хууль, эрх зүй хариуцсан мэргэжилтнээр Газрын харилцаа, барилга, хот байгуулалтын газрын Захиргаа, хуулийн асуудал хариуцсан ахлах мэргэжилтнээр ажиллаж байсан М.Шаравгавааг шилжүүлэн томилсон. Гэвч Сумын Засаг даргын 2025.01.02-ны өдрийн А/01 дүгээр захирамжаар баталсан

231060215

бүтэц, орон тооны шийдвэрт Хууль, эрх зүй хариуцсан мэргэжилтний орон тоо байхгүй. Төрийн жинхэнэ албан хаагчийн хувийн хэргийн бүрдүүлэлт нь зарим албан хаагчийн төрийн албаны нөөцөд бүртгэгдсэнийг нотлох баримт бичиг байхгүй, албан тушаалын картыг бүрэн гүйцэд хөтлөөгүй зэрэг дутагдал байна. Хүний нөөцийн шийдвэр гаргах, хувийн хэргийн бүрдүүлэлт, албан тушаалын картыг зөв хөтлөх зэрэг анхаарах зүйлсийн талаар арга зүйн зөвлөгөөг өгч ажилласан.

Зөвлөмж: Бодлогын баримт бичгийн төлөвлөлт

1.Сумын Засаг даргын үйл ажиллагааны хөтөлбөрийг хэрэгжүүлэх арга хэмжээний төлөвлөгөөг боловсруулахдаа сумын Засаг даргын үйл ажиллагааны хөтөлбөрт тусгагдсан зорилт тус бүрийг арга хэмжээ болгон задлан төлөвлөх

2.Сумын Засаг даргын үйл ажиллагааны хөтөлбөрийг хэрэгжүүлэх арга хэмжээний төлөвлөгөөнд аймгийн Засаг даргын үйл ажиллагааны хөтөлбөрийг хэрэгжүүлэх арга хэмжээний төлөвлөгөөнд тусгагдсан сумдад хамааралтай заалт арга хэмжээг бүрэн тусгах

3.Байгууллагын гүйцэтгэлийн төлөвлөгөөг Засгийн газрын хэрэг эрхлэх газрын даргын 2020 оны 100 дугаар тушаалын 4 дүгээр хавсралтаар төлөвлөх (сумын Соёлын төв анхаарах)

4.Байгууллагын гүйцэтгэлийн төлөвлөгөөнд сумын Засаг даргын үйл ажиллагааны хөтөлбөрийг хэрэгжүүлэх арга хэмжээний төлөвлөгөөний тухайн оны хэрэгжүүлэх заалт арга хэмжээг бүрэн тусгах

5.Аймгийн Засаг даргын 2022 оны А/289 захирамжийн хавсралтын дагуу тайлангуудыг заасан хугацаанд тайлагнах, үүнийг байгууллагын гүйцэтгэлийн төлөвлөгөөнд эзэнжүүлэн тусгах

6.Хууль тогтоомж, тогтоол шийдвэрийн холбогдох заалт, арга хэмжээний жагсаалт гарган эзэнжүүлж, байгууллагын даргаар баталгаажуулан, хэрэгжилтэд хяналт тавьж, тайлагнах тухай байгууллагын гүйцэтгэлийн төлөвлөгөөнд тусгах

7.Сумын Засаг даргын Тамгын газрын гүйцэтгэлийн төлөвлөгөөнд сумын төсөвт байгууллагуудад хяналт-шинжилгээ, үнэлгээ хийх тухай тусгах

8.Төрийн жинхэнэ албан хаагчийн гүйцэтгэлийн төлөвлөгөөг Засгийн газрын хэрэг эрхлэх газрын даргын даргын 2023 оны 98 дугаар тушаалын 2 дугаар хавсралтаар төлөвлөх

9.Төрийн жинхэнэ албан хаагчийн гүйцэтгэлийн төлөвлөгөөг байгууллагын гүйцэтгэлийн төлөвлөгөөнд уялдуулан өөрт хамааралтай арга хэмжээ болгоныг гүйцэтгэлийн төлөвлөгөөндөө зорилт болгож аваад нарийвчлан задалж боловсруулах, албан тушаалын тодорхойлолтод заасан зорилт, чиг үүргийг тусгах

10.Бодлогын баримт бичгийг төлөвлөхдөө шалгуур үзүүлэлтэд тавигдах шаардлагын дагуу шалгуур үзүүлэлт, суурь түвшин, хүрэх түвшинг нарийвчлан оновчтой тодорхойлох

11.Үг үсгийн алдаагүй төлөвлөх

Захирамж, тушаал болон эрх зүйн хөтчийн булангийн талаар

12.Хэнтий.мн сайтад 2024 оны захирамжийг гүйцэд оруулах

13.Хууль тогтоомжийн хүчинтэй эсэхийг хянаж, зүйл заалтуудыг зөв, гүйцэд оруулах дээр анхаарах

3.

14.Архив албан хэрэг хөтлөлтийн нийтлэг журмын (2024 оны 214 дүгээр тогтоол) хэрэгжилтийг хангаж ажиллах

15.Эрх зүйн хөтчийн буланг идэвхжүүлэх шаардлагатай.

Төрийн албаны зөвлөлийн салбар зөвлөлөөс хийсэн хяналт, шалгалт

16.Бүтэц, орон тооны шийдвэрийг жил бүр батлахгүй байх. Сумын Засаг даргын Тамгын газрын орон тооны дээд хязгаарыг Засгийн газрын тогтоолын дагуу аймгийн Засаг даргын захирамжаар батлагдсан орон тооны хязгаарт багтааж ажиллуулах ба чиг үүрэг бүтэц, хүн амын тоо өөрчлөгдсөн тохиолдолд Засгийн газрын шийдвэр, аймгийн Засаг даргын захирамжийг үндэслэж орон тооны хязгаарт багтааж бүтэц, орон тоо баталсан шийдвэрийг дахин өөрчилнө.

17.Албан хаагчдыг цаашид тогтвор суурьшилтай ажиллуулахад сэдэлжүүлэх үйл ажиллагаа зохион байгуулах

18.Төрийн албаны тухай хуулийн 42, 43 дугаар зүйлд заасан үндэслэл, журмыг баримтлан тухайн байгууллагын албан хаагчаар албан тушаалын албан үүргийг түр орлон гүйцэтгүүлэх

19.Төрийн албаны тухай хуулийн 44 дүгээр зүйл, Монгол Улсын сайд, Засгийн газрын хэрэг эрхлэх газрын дарга, Төрийн албаны зөвлөлийн даргын хамтарсан 2019 оны 34/31 дүгээр тушаалаар батлагдсан "Төрийн жинхэнэ албан хаагчийг өөр албан тушаалд шилжүүлэх, сэлгэн ажиллуулах журам"-ын дагуу төрийн жинхэнэ албан хаагчийг шилжүүлэх, сэлгэн ажиллуулах

20.Төрийн албаны зөвлөлийн 2022 оны 600 дугаар тогтоолоор батлагдсан "Төрийн албан хаагчийн хувийн хэрэг хөтлөх журам"-ын дагуу албан хаагчдын хувийн хэргийн бүрдүүлэлтийг хангах, албан тушаалын картыг зөв, хөтлөх

ДАРГЫН ҮҮРГИЙГ ТҮР ОРЛОН
ГҮЙЦЭТГЭГЧ



А.ЖАРГАЛСАЙХАН